

遊齊山華蓋洞記

雷達

池陽東南三里許爲齊山左田而右湖怪石奇峰幽壑古洞璀璨環列其尤絕者如蒼玉雲梯上清華蓋而華蓋於諸洞爲最此登臨之士或苦勞而中疲或落暉以增慨遂至榛莽交衢草萊荒逕而茲洞漸不可識矣予與少郭每及齊山之勝恨不得一陟覽是夏予假便歸省牽舟而南泊池陽之渚夢寐蒼翠旣已躍然適少郭偕萬峰胡君來顧喟然曰翠微勝概知子夙抱會可少耶遂相與載俎攜壺步石徑攀藤蘿嶙峋崒兀直造深阻躡朝天而踰雲門趨上清而下曠夷清風徐至叩石鼓以浩歌徘徊觴咏則山南之勝且盡而日已西矣予顧曰華蓋之勝

道藏輯要

天下名山記  
江南齊山雷

卷

軫集一

竟不可覩耶有田父進曰洞誠勝然已數十年無人跡胡子曰是在人耳卽令隸從操斤斧荷鋤鳴鑼而前悉伐其荆藜之塞途者頃之成路吾三人者緩步而至則洞口石峙如門其中豁然上圓如蓋下平如砥可容坐數十人後有小口約三十餘步通山脊卽燕石也乃更洗觴命酌滿引劇談山虛籟靜萬慮消息胡子歎曰異哉斯游吾二人叨蒞於斯輒未暇子以邂逅維舟率爾開荒竄造亦奇矣夫亦洞之會也予謝曰有是哉竊聞山水與人其氣本相流通惟氣昏窒而不暢故有沒溺市井以終身者然無來無去斯爲善遊而山水之或以人興或以人廢或千騎萬從馳騫而不足或鞠爲邱墟長噫千古此固隆替不

齊之候非有繫乎山水之靈不靈也吾輩今日之遊亦水行風  
萍適然相遭而洞之闢不闢我與洞皆不得知無所增益者而  
又何歎也胡子喜而笑曰子其記之

道藏輯要

天下名山記  
江南齊山雷

李

軫集  
卷上

正一天師清微弟共百堅製作  
道教學術資訊網站